



浙江圖書館





浙江圖書館





浙江圖書館



辛卯夏心持先生以此名見贈  
書中政字出拓持手筆足白  
寶玩 六月廿百張家行記



此雕菰樓未刻書 趙揚林收入仰視千

七百二十九鶴齋叢書第五集 視此鈔本

刪存數則然不遠存者實夥 雖不傳

可也 杭州某氏既泐此書旋又出趙氏


手跋一卷為滄賈郭某所得予獲一

假觀郭某索厚利力不能者予






憶書一



三格



江都焦循



下

楊鑄字怡齋昭武將軍孫以廩膳生襲世職官古北  
 口總兵<sub>8</sub>聖祖以其嘗習文命誦大學鑄誦至半偶  
 忘之奏曰臣數年理軍務致疎舊業上曰朕一日  
 萬幾尚不忘乃自首朕誦至末鑄叩頭曰皇上天  
 縱豈小臣所能及上又問能詩否對曰尚能因賦  
 詩一章而退嘉慶戊辰秋楊竹廬都尉招於誦芬莊  
 看桂偶述此事都尉為怡齋曾孫



看桂偶述此事都尉為怡齋曾孫

近世論書以周劉梁王並稱然劉文清公非三家能  
匹周山茨觀察王夢樓太守當並稱周王梁文山巖  
規撫李北海而不能自變又出周王下矣吾師英大  
冢宰以劉文清公書與成親王書並刻可稱 盛朝  
二妙文清雜臨眾冢而各授以評皆極精簡韻逸有  
錄周禮大司樂大司徒兩篇而跋之云尚書周官乃  
偽書耳辨古今文者詳矣周禮非作偽者所能泥其  
迹固不可行師其意則誠可法但不能通曉處時代  
為之強解則惑矣僅五十二字為經生所不能道尚



書周官偽周禮不偽尤足以平衆儒之論泥其迹不  
可行師其意誠可法真宰相語也英大冢宰跋云諸  
城劉文清公由乾隆辛未會試迴避卷成進士卷即  
先伯父文恭公所閱進特賞之嗣與先文莊公同直  
內廷有年相友善余壬子癸丑鄉會試皆出公門  
執經請業者又十三年若子弟然以故父子夫婦間  
得公所惠翰墨甚夥謹選工排次刊成四冊公名跡  
流傳徧海內何有於此刻聊志一家淵源之厚云耳  
嘉慶乙亥仲夏月英和識



成親王書化度寺碑跋云嘉慶乙亥春吏部尚書英  
公以所裒輯唐化度寺僧邕禪師舍利塔銘全文屬  
余書冊所注吳本則南海吳榮光荷屋氏藏本今歸  
余矣禁府本則余昔得諸商邱陳崇本伯恭氏後以  
畀三姪榮郡王今春王薨謚榮恪矣其餘注本之流  
傳及諸本字數之多寡詳見尚書記中夏六月十三  
日成親王並識

英大冢宰記云歐陽率更書以化度寺碑為最佳而  
難得善本歲戊辰前侍御南海吳荷屋出顧氏玉泓



館所藏宋慶曆間范氏書樓原石拓本見示豐腴悅  
澤綿裏裏鉞凡得六百八字為平生僅見時方搜輯  
唐文据以著錄復借翁潭溪先生四百六字宋拓本  
洪鈴菴脩撰二百六十字宋拓本成邸九百三十字  
宋翻本趙謙士少農八百八十二字宋翻本與及門  
孫平叔徐星伯兩編脩互相證校以吳本為主闕者  
補以成邸本又以三本叅補之平叔手錄成冊具注  
諸本於下首行十二字銜名十五字俱不缺文存一  
千十六字闕四十二字其中有可意會得之者皆不



千十六字闕四十二字其中有可意會得之者皆不

敢增益存其真也乙亥春取平叔所錄底本求成邱

重書一通摹勒上石以公同好並識其緣起如此首

行化度寺故僧邕禪師舍利塔銘吳本次行右庶子

李百藥製文率更令歐陽詢書吳三行以下蓋聞人

靈吳之本榮府貴天象攸憑稟仁義之和感山川之秀

窮理盡性通幽洞微研其憲者百端宗其道者三教

殊源異軫類聚群分或博而吳無本無翁功勞而寡要文

勝則史禮煩斯黷或控鶴乘鸞有繫風之諭食霞御

氣致捕影之譏至於察吳報應之榮府方窮死生之



聖  
下全

變大慈口運宏濟群品極眾妙而為言冠元宗以立  
德其唯真如吳之設榮府教焉若夫性與天道契協  
神交貽照靈心澄神禪觀則有化度寺僧邕禪師者  
矣吳禪榮府師俗姓郭氏太原介吳休人榮府有周  
氏積德累功慶流長世分星判野大啟藩維蔡伯喈  
云號者郭也號叔乃文吳王所榮府咨吳郭榮府奉  
則人倫攸屬聖賢遺烈奕葉其昌祖憲荊州刺史早  
擅風猷父韶博陵大守深明典禮禪師含靈福地擢  
秀華宗爰自弱齡神識沈靜率由至道冥符上德因



秀華宗吳自弱齡神識沈靜率由至道冥符上德因

戲成塔發自髫年仁心救蟻始於卅歲世傳儒業門  
多貴仕時方小學齒胄上庠始自趨庭便觀入室精  
勤不倦聰敏絕倫博覽群書尤明老易然榮府雅  
有志尚高吳邁榮府俗情時遊僧寺伏膺釋典風塵  
竦服豁然開悟聞法海吳之微妙毛髮同喜榮府瞻  
滿月之圖像吳身榮府心俱淨于吳是榮府錙銖軒  
冕糟粕邱墳年十有三違吳親入道於鄴西榮府雲  
門寺依止稠禪師稠吳公榮府禪吳慧通榮府口戒  
行勤苦道標方外聲溢吳區中口觀暗投欣然榮府



驚異即授受禪法數日便榮府詣幽深吳稠公榮

府嘗撫禪師而謂諸門徒曰五吳亭翁口念盡在此

矣頭榮府陔蘭若畢志忘疲仍吳來榮府往趙林吳

慮山趙中榮府栖托遊處後屬周武平齊像吳往翁

林慮入白榮府鹿深山避時削跡藏聲戢吳曜枕石

漱流○○之下榮府葺茅成室蘿裳吳薜帶榮府○

唯翁龔榮府○之翁衣餌榮府木餐松嘗無麻麥之

吳飯三徑斯絕百榮府○為群猛鷲毒螫吳之徒潛

形榮府匿翁影白鹿青鸞榮府之輩效祉呈祥每梵



形榮府匿翁影白鹿青鸞榮府之輩效祉呈祥每梵

音展

吳禮焚香讀榮府□□□奇禽異獸攢集庭宇

俱絕吳□倚畢來俛伏貌榮府如恭敬心疑聽受及

開皇吳之初宏□釋教榮府于時有魏州信行禪師

吳□明佛性大轉法榮府輪寔命世之異人為元門

吳之益榮府□以翁道隱榮府□之辰習當根之業

知禪吳師遜世幽居遣人告榮府曰脩道立行宜以

濟度吳為先□善其身非榮府所聞也宜盡宏益之

方吳昭示流俗禪師乃榮府出山吳與信行榮府禪

趙□□修苦行吳開皇翁九年信行禪榮府師被勅



徵召乃相隨吳入京京師道俗莫不遵榮府奉吳信  
行禪榮府□□□之翁□□持徒眾以貞榮府觀五  
年吳十一月十榮府六日洪終於化度寺春秋八十  
有九聖上崇敬□□贈帛榮府追洪福即榮府以趙  
其月廿二榮府日奉送吳靈塔翁於終南山下鳴  
埵禪師之榮府遺令吳也徒眾榮府□收翁其舍利  
起塔於榮府信行禪師吳靈榮府塔洪之翁左禪師  
風範凝正行業精勤十二榮府部吳經嘗甘露榮府  
而翁俱盡五百具戒凌榮府嚴洪霜而未彫榮府雖



而翁俱盡五百具戒凌榮府嚴洪霜而未彫榮府雖

翁託跡禪林避心定水涉無為榮府之境絕有待吳

之累榮府口寓洪形岩穴高步京華榮府常洪卑辭

屈己吳體道藏器未若道安之遊樊沔榮府對鑿吳

齒而自伐彌天慧遠之在廬山折桓榮府元之致洪

敬人主及邈吳神淨土委質陀林四部奔馳十方號

慕豈止寢歌輟相榮府捨趙佩捐珠榮府而吳已式

昭洪景行乃述吳銘云榮府綿邈神理希洪夷法性

自吳有成空從凡入聖於昭大士遊口口正德潤慈

雲心懸飛鏡榮府口蒙悟道洪捨俗歸真累吳明成



樂

照積智為津行識非想禪□□觀盡三昧情銷六

塵榮府結趙構翁窮岩留洪連齒谷靈吳應無像神

行匪速敦彼開導去茲榮府□□絕翁有憑群生

仰福風火榮府□妄洪泡電同奔達人忘吳已真宅

斯存刹榮府那趙□□洛域□□□樂永謝重

昏榮府

程易田先生臨董思翁王氏御書樓記卷子自跋云

此卷真跡吾友方仰松所藏者皆以為贗本惟方密

翁謂的真無疑為之跋尾乾隆癸卯余客江夏仰松



亦來作楚遊出此見示與方晞原同觀於漢皋寓齋  
余謂是思翁得意書晞原亦以為然余跋之曰運之  
以神故筆近率愈率愈神出之以真故貌似陋愈陋  
愈真佳處多意到筆不到此則意或不必到而筆無  
不到也題竟携以渡江歸江夏寓中反復把玩輒意  
臨之此其三也九月六日朝食後瑤田臨又跋云臨  
書之明年歲在甲辰三月十日應南宮試第一場出  
得家書大兒子培年四十一於正月二十五日始生  
一子喜而名之曰錫用適此卷在案頭因寄與之又



云錫用為培兒之長子於余誥孫行則第三今年五  
月朔又生第四孫為壻兒之次子行二者則茗兒之  
長子也四孫雁行之曰錫露錫才錫用錫官八月二  
十五日余六十生日宿房山之雲居寺寺僧為糴米  
飯梁米粥佐以野蕪食之同遊者老友汪依堂友弟  
汪育民又云錫用生時以此卷付之於今十八年矣  
嘉慶六年六月十七日午時錫用生子名之曰汝成  
蓋余第四曾孫也長曾孫汝興生於己未歲五月初  
一日丑時第二曾孫汝諧生於庚申歲七月二十一



日午時其時十月初七日寅時則第三曾孫汝為生也汝興汝為皆錫卣子汝諧錫才子也喜而有感係以五詩第一首云劃狀辨喻須令早第一先教降利魔自注云今人發蒙惟以科第期之不教之喻義而令喻利師道不振官法衰微久矣魔之言迷無人迷良可慨也第二首云莫匪其人鑒車覆人其匪是救時方自注云時有匪警余以為匪始皆人匪其人由官邪也宰官賢則人其匪矣時年七十七

易田先生又臨思翁王氏御書樓記真本跋云汪仿



亭藏此卷墨蹟盖王氏御書樓記之正書也方仰松  
所藏者乃其作是記初成時之稿書仰松之來漢皋  
假榻於仿亭客齋兩卷得合觀真奇逢也仰松既歸  
余于十月五日亦將北往山右與仿亭叙別因假臨  
一通又云董公來仲樓帖中亦刻是記乃楷書也三  
本有一二異同處兩墨蹟作密若同室來仲樓本作  
同堂彙書及來仲樓作時唯文肅正書本作時微文  
肅一則室字是一則微字是也於臨正書之明日得  
見來仲樓帖故又并記之於此



見來仲樓帖故又并記之於此

識

鮑

寶

張

阮芸臺官保摹刻天發神識碑記云三國吳天發神  
 識碑舊在江寧嘉慶十年燬于火人間拓本皆可寶  
 貴元家有舊拓本合之繇昌鮑氏舊拓本共得二百  
 二十一字十四年春屬長洲吳國寶撫刻以昭絕學  
 按此碑張勃吳錄以為皇象所書張彥遠法書要錄  
 以為官至侍中梁書南史皇侃傳並云青州刺史惜  
 吳志不為立傳此碑始末見于王司寇金石萃編等  
 書其字體乃合篆隸而取方折之勢即飛帛所從出  
 亦北朝魏齊諸碑所從出隋唐以後歐陽率更之體



獻

實魏齊諸碑之苗裔而神識之體乃其鼻祖學者罕  
究其原流矣皇象字休明廣陵人允宜刻石置之文  
選樓中以存古鄉侯之矩矱焉阮元記義獻諸賢筆  
法專是江左風流至於由篆隸而變為正書此間形  
迹歷歷可見皆在中原舊地學者但從閣帖觀晉唐  
筆法而不知中原正格則罕讀北朝碑版之故也元

又記

浙

阮宮保於北湖宗祠右側起一樓嵌二石于垣一摹  
刻秦泰山碑一摹刻漢華山碑跋秦碑石云秦泰山



石刻殘篆乾隆間燬於火世間拓本漸少嘉慶十四  
年揚州阮氏以舊拓本屬吳門吳國寶撫刻與重摹  
漢西嶽華山碑石同置北湖祠塾伯元甫識跋華山  
碑石云漢西嶽華山碑明代已毀今海內流傳唯有  
三本惟此本為全碑整拓唐李德裕等題名皆全嘉  
慶十四年揚州阮氏屬吳門吳國寶摹刻與重摹秦  
泰山殘字石同置於北湖祠塾又以歐陽文忠公集  
古錄跋墨迹卷內華山碑跋一段摹刻于漢碑闕處

伯元甫識

浙



核

值

隱居通議三十一卷宋末南豐劉壎起潛氏撰十三  
世孫冠震輯十四世孫凝訂十九世孫焯核刻焯  
今為浙江藩司宦蹟不愧祖風書分理學詩文經史  
禮樂造化地理鬼神卷末雜錄折獄龜鑑等書又附  
宋同年小錄辛酉余在浙值此書刻成  
馬登華字瑤楓善八分書余乙巳丁內外艱喪事中  
所用瑤楓書甚多丁巳瑤楓丁艱余以二絕句唁之  
云北馬南船兩鬢秋幾年湖海寄窮愁如何知己無  
多輩大半傷心死病憂林下清風嗣昔賢表揚知自



有名篇不堪相對西風夜血淚遙酬十二年

江習隅所藏黃庭經後跋云右軍書黃庭有飛仙之  
致真跡淪於五季惟臨本入宋鑄矣隨唐人皆從真  
跡臨摹去右軍才一間故宋刻為足寶也此卷筆致  
如凌空鏤笛吹過洞庭永和妙即在是又何論隨唐  
臨手尚有一間也辛亥十月山陰潘寧<sub>字</sub>為墨癡題又  
西嶽華山亭碑跋云華山西嶽廟漢隸三碑皆光和  
二年立聞其漫滅久矣昔曹秋岳先生於戚畹家見  
郭香察書本稱為至寶今余疊見樊君本又豈在郭



核

香下邪歐陽公言此碑乃即時所立立之遽者為文  
必率宜乎有云河南南河者不分郡邑而疊言之也  
肆釋載全文此闕若干字并為虞泉錄文脩攷訂焉  
辛亥歲六月二日平野居士潘寧識寧於金石之學  
最核客邗上嘗主江氏故習隅所藏多其手跋也  
宋僧寫法華經全部皆用藏經紙每卷後署云大中  
祥符寺賢聖藏院釋迦遺教比丘其正發心刺血寫  
此妙法華經一部奉荅四恩三有者時熙寧三年庚  
戌歲十月望日題





江都焦循

安定書院一老卒乾隆庚子余初入肄業卒尚在每  
日洒掃進院年九十餘矣自云梁文莊公未第時居  
書院中嘗如廁短牆外有大首人向之笑叱之不去  
如廁畢隨之魁星樓下沒後江秋史中榜眼大首人

亦出

甯

# 督閻

楊總廳廷璧言韓生者善制馬隸江寧督標號之曰  
閻王有馬蹄齧人莫敢近以授韓韓睨嬉曰是馬外  
疆者也左手束其鬣馬嘶旋轉於身四周韓釋手馬  
躍而起隨勢飛上其背適有馳馬者僨于前觀者驚



顯

諱韓方啣烟筒口中去債者十餘箇以手回掇其纏  
若倒墜者馬四蹄伏不動復大吼鞭之馬騰十丈越  
債者而逸焉自是江寧標馳馬者咸推韓生為第一  
邵伯鎮城隍神最靈顯某男子素不孝其母一日偶  
疾曰城隍召我乃趨至廟匍匐自服罪鄰媪隨之亦  
跪曰神令我掌之遂批其頰數十忽起行至糞窠索  
椀啗食之曰神罰我也此乾隆戊申年事  
乾隆庚戌四月間儀徵大風東門外船舵吹入城縣  
署前擊殺一老人共傳此人為訟師適又以唆訟至



署前擊殺一老人共傳此人為訟師適又以唆訟至

縣前也

辛亥正月十五日早晨大雷午後大雪

鍊筆錄之術相傳以前輩能文者一人為主齋戒持符祝四十九日其鬼即來附于腕下甘泉朱生嘗為之於古寺中久之言語舉動皆異蓋形是而人非矣其家求張天師禳之天師曰此鬼奪人舍比他罪為大乃焚炭火一盆書符數日用手從朱背攬之擲火中作聲朱遂昏卧醫治百日方痊特書此以為學者戒

浙



張甲老訟師也嘗為校官以代人作詞訟罷官仍歸  
而佐訟其子庠生也素賢而文自遠方持雨蓋歸行  
至水塘邊見一孺子墮水中水僅沒膝孺子呼救張  
之子憐其將沒也植蓋水中脫屣入水救孺子上張  
之子轉陷於水竟死淺水中甘泉代書陶昭亭見有  
佐人訟者每述此事戒之

舒城張姓者富賈也有妻蓄一妾於別室賈死妾所  
臨終謂妾曰汝嫁則已不嫁吾有閒田五百畝當遺  
筆給汝妾泣涕自誓不肯嫁賈度其心堅如所許載



筆給汝妾泣涕自誓不肯嫁賈度其心堅如所許載

# 糧

華而卒妾携其所書詣大婦訴其心志與大婦共處  
事之甚謹大婦甚愛之先是大婦有弟某甲賈託以  
家事甲故無賴手有資糧費用不可止其姊惡之乃  
奪弟之柄以與妾甲銜之入骨縣令周某懦儒也凡  
政事多聽其弟之謀邑人不知有縣主惟知有縣主  
之弟共目之曰周三太爺甲既憤不能平謀諸周乘  
姊不在假姊名告之妾之姦周立差拘訊之五木之慘  
誣鍊其罪發官媒賣阜役豔妾之色私賂媒媪謀通  
之妾堅拒不可役大恚謀之馬兵周某某者其兄



為守備邑人亦稱為周三太爺素淫虐不法役以妾  
之邑動之周心動與乙謀至夜往脅之妾之弟賤夫  
夫也遠歸聞姊冤繫詣媒處探之適聞周三太爺至  
避諸覆壁中聞壁外淫謔之語不可耐久之寂狀出  
視之姊已縊死明日媒媪以縊報縣令適往省中鄰  
邑令檢之無傷而目瞋視七竅出血三十人舁之不  
能舉妾弟泣呼曰姊之冤憤我悉知之姊速入棺弟  
當以身命鳴姊之冤語訖屍輕若蛻署令者問何冤  
妾弟曰前後事小人皆不知惟小人探姊時聞周三



太爺與卑役某至急避之其強姦致死之狀實親聞之也乃備述所聞署令不知有馬兵之周三太爺也以為令弟曰此事我不便受理可并我告諸郡寬可得而理矣遂懇諸府拘縣令弟周三太爺問其強姦狀五木之慘與周所以脅妾者等後均伏罪乾隆乙卯與周已山同試於省已山聞之舒城人以語余崇明縣田父入縣報旱令問曰歲之棉花若干曰三分稻若干曰三分高粱若干曰三分令怒曰此九分矣有九分而為災者乎命笞之田父曰吾年過七十



不可答令益怒命答其子田父大呼曰吾子尤不可  
答問何也曰吾子九十歲矣令怒甚詰其七十父九  
十子也田父曰吾三子每子三十共得九十也令  
默狀此事亦乙卯在江寧聞諸崇明人此田父亦可

謂滑稽矣

常州水車用九人軸咫尺之地至用三道農人踏車  
者不著禪不足著履蘇州水車坐而踏之或上無蓬  
屋自地樹杙作樞置輞于上以黃牛運之目之曰鬼  
車



彭芝庭大司馬家居時有<sup>雜</sup>頭鋪假其名書聯懸於  
室公子偶見呼而訶斥之令毀去公知之呼<sup>雜</sup>工至  
始畏縮不敢前公迎揖且謝曰吾子誤犯尊鄰老夫  
之咎也官爵之大以在朝言居鄉寧論爵乎謹親書  
雙欸聯奉贈幸勿怨也時人服<sup>舟</sup>公之量且得教子法  
嘉慶丙辰元和江補僧與余同<sup>舟</sup>過七里瀧偶談及  
此

康熙乙巳丁未間閩中有牛產犢腹下有白起二字  
又江寧學雷震大成殿不已有巨膽者趨視之則見



張下

一螂蛆長尺有咫附先聖木主上因撥諸地遂為

雷擊死腹間有白起二字余輯淮南英靈集於儀徵

張抑高詩詩集中見此事又云黃靖南麾下張某遼

東人能挺腕當車輪時號為鐵膊張又號為黑張順

治初卒于儀邑葬馮家營

震澤張棟字鴻勳戊辰十月客揚州作論畫詩一百

首名看雲吟草江補僧以五十錢買得雲麾將軍碑

碑係黏貼書本上補僧移碑他處露出此本

儀封張大中丞撫吳清勤嚴肅為一時名臣嘗怒一



令將置之法令私於公之左右戚好而謀之其人曰  
公不可干以私然生平酷好理學書能於半月盡刻  
某某書事乃克濟令唯諾羅致梓人不半月書成已  
而中丞果召而讓之歷指某事之謬誤令對以不知  
公益怒令免冠叩頭曰數月來以刻書親自讎校某  
某事偶未之察也公問刻何書令曰刻某某書晝夜  
讎校耳公曰成乎曰成矣令乃以所刻呈之公意大  
悅竟解釋其罪李冠三說

程中之言某宦出其妾值父沒妾入奔喪拜泣不起



# 記

宦以既出不可復留告於江都縣懋公懋坐堂上記  
之宦執父命不可違懋記妾令改嫁妾泣不有正色  
曰妾之事夫猶公之事君也公不能事二君令妾嫁  
兩夫乎懋色動曰爾既為某宦家人何以著顏色服  
妾曰此服老主母賞我雖出未嘗一日舍之老主人  
之喪久持之矣乃解其外衣盡露衰麻之服適宦之  
子至妾所生也見母相抱泣哀不忍聞直斷之曰婦  
性雖烈守志足嘉父命難違子恩難斷飭宦迎之歸  
懋名圖滿洲人陞南掣廳卒於官



張某為廣東巡撫有番禺令按事於鄉鄉民聚眾逐之勢甚急一老人叱退眾民禮待令而送之歸令訪其姓名則一鄉所稱張善人也令深感之言於撫軍撫軍深思良久謂令曰爾為之欺爾思民不畏令而畏張善人者其故何也遂擒善人一家以叛論置於法決之明日撫軍方坐堂上忽大呼門外有冠帶者五人至矣眾人不見已而曰升階矣已而曰至前矣

兩亂

兩手亂舞大呼莫擊我少頃死於公座上以暴疾聞實為鬼殺也高郵沈鳧村言聞之王石臞先生



# 蠅聲

裔瑞符言一馬快獲賊錮之月餘賊羸病身如枯木  
語言如蒼蠅<sup>レ</sup>蝮<sup>レ</sup>馬快憐其將死釋去九日後復以盜  
被擒則已肥白強壯問以何術賊言用豬大腸熬汁  
置甕內坐入其中露首於外復以大腸煨如膏食之  
汁冷則換所費豬大腸數十凡五日則肥壯如是矣  
嘉慶丁卯七月<sup>月</sup>揚州郡城內埂子上雷擊死一人先  
是此人在錢店傭工於樓上竊銀一封置牆隙中外  
塗以泥久之主人稽銀知所失徧問在店之人各無  
以白僉曰請發誓如竊銀天雷擊之眾誓畢主人亦



誓曰若我以銀自用而冤諸人則請以子為報主人  
止一子才三歲也其人暗以針置兒臍中兒痛哭徹  
日夜醫者不能識病之所在用藥均莫效且視其死  
矣忽其人挑錢行門外若癡狂狀呼之稍應置錢店  
中奔樓上久之不下聞雷聲自地起殷殷不甚震共  
上樓睜之其人已擊死跪而不仆以手指牆不下主  
人循其指以視牆則牆有泥迹啟其泥銀固在也眾  
乃知銀為是人竊矣因曰縱竊銀罪不至死臆兒之  
病必由此人徧于兒身求之乃于臍見針迹以語醫



醫曰是有治法用磁石引之針隨石出兒得不死針  
長寸許置臍中不死非有鬼神奚能若是是日楊石  
堂在城親見此異次日歸以語余

余丁卯三月大病後不能行走者百餘日六月間肩  
輿入城在北門外街市偶步行見一少年按一老媪  
於地拳毆之衆人環繞視媪呼救衆畏少年力莫敢  
勸也余問媪何人衆曰其母也頓忘病軀奮前以手  
摑其頰應手而踣躍起又踣之衆乃救媪去余連摑  
少年十數少年不敢動至今不知少年何人少年亦



少年十數少年不敢動至今不知少年何人少年亦

不知余何人也既往余頹弱如故不知先此力從何來其鬼神惡不孝余平日力不能如是也

黃榮木之父黃天保患噎病百治不效偶見食落花生者取食之竟不噎於是恣食之或者煮食當飯凡飲食內以落花生入之食即安適凡半載病遂愈榮木舊名甲與弟庚同為學中弟子員有文名性情和藹人樂與親乃庚以自縊死甲痛弟改名榮木狀未幾亦自縊死同人惜之二黃與余善其以縊死不解何

謂

浙



# 喪

林枝蕃字盈升江都人居家孝友與人交以信里黨  
中有無力婚嫁喪葬者恒首事倡義以成全之境愈  
貧行之愈力少習舉子業不售遂專精堪輿之學嘗  
自卜地葬其親曰吾依宰相豈尚有貧賤子孫其地  
鄰戴氏祖墳越五十年而蓮士先生果相其術之驗  
如此與進士李道南友善李贈句云我愛林公有古  
人風無諾不信無行不忠我與之友行合趣同同在  
陋巷一畝之宮望衡對宇其樂融融既不榮通亦不  
醜窮囊無半文濟物必空他人有憂其心中忡忡仁而



不佞<sup>伍</sup>德類仲弓但以技名是不知翁


庚午正月十七日午刻大風從西來飄去民間草屋甚多雨黑豆如槐子狀內綠色大儀一帶最多

吳縣石遠梅名鈞善吟詩曾刻詩集亦個儻人也以販珠為業每至揚州未三十里迓者如州縣之接替撫爭致于家極珍味美饌以享之優伶歌舞以娛之名人詩酒以繫之遠棹携一琴師一畫工蕭然寂處日以吟詩寫字為事而鹽賈日候其門遠梅出一小匣錦囊緼裏以赤金作丸破之則大珠在焉重者一

鹽



粒價二萬輕者或一萬至輕者亦八千爭買之惟恐  
不可得余嘗以問遠梅遠梅曰所以獻和中堂也中  
堂每日清晨以珠作食服此珠則心竅靈明過目即  
記一日之內諸務紛<sup>沓</sup>其胸中了狀不忘雖百手登  
記不能如是也珠之舊者與已穿孔者不中用故海  
上採珠之人不憚風濤雖死不恤今日之貨無如此  
物之奇也遠梅有一珠塔高尺許以珠結成其頂上  
天生一珠成葫蘆形誠異寶也適和敗無有買此者  
矣今不知所在





歛人吳鴻渚薄遊廣陵所謀不合素知星命之術戊  
午春為黃春谷推算曰子命正行魁度今秋必得解  
元始以其泛語耳至九月將放榜鴻渚促黃打點報  
錄賞錢以必解元也或以為戲曰必狀且必非第二  
人若第二人則不中矣明日榜發春谷果第一於是  
邑人大驚異鴻渚緣是得資累千金狀此後推人命  
皆不驗他術士推春谷是年亦無以必其即成解元  
不知鴻渚果何所據而云狀或曰鴻渚生命當於是  
年得千金資故不啻鬼神來告耳抑其術真有神奇



歟

館

赴

徐闓齋以殺教匪六人得功陞蘄州知州交代任  
途中宿客寓屋三間層而上最後者屋在山上厨  
屋在山下時徐兩目病需人掖而後行是夕令從者  
五人皆宿云將發書與某戚獨秉燭坐明旦從者興  
不見主人覓<sub>至</sub>山下厨屋則已謫死時夏月僅衣  
小单衫袴間有便袋內貯有所殺教匪六人之名則  
昨夕新書也有知者云六人中一剃工乃隨徐在軍  
營者實非賊也此李穆卿說狀闓齋<sub>至</sub>何至殺無



營者實非賊也此李穆卿說狀聞齋醫士何至殺無

辜以覬覦一州官穆卿得之傳聞恐未必狀夫孤身  
與諸僕同行烏知非諸僕所為而誣以鬼物之說也  
是不可知聞齋豪士或亦脫略失防至成不白之死  
歟吾以為孤身親奴僕者戒

顧超宗嘗詠白丁香花詩云清到梅花知尚未香於  
棟子恰相丁越二十餘年矣庚午三月偶見此花不

禁然

李濱石歿於京邸已已冬夢濱石向余曰人謂我死  
我實未死也腹吟二句曰同是歸來情太惡桐棺三



寸逐風行

官

庚午三月里人相驚有狼草木深雜或駭集多人喧  
而就之實無有也先傳狼在方家巷方家巷又傳狼  
在廟頭鎮而兩地皆無之或曰此宜防盜必有盜六  
畜賊先播此語使孤村零戶夜不敢出且失去六畜  
可委之於狼也此說頗切事情亦造微之論也錄而  
記之

浙

聲

楊石堂住屋東南隅被雷火所焚有老媪臥其側聞  
聲以被蒙首不敢視少時見火氣乃知一柱震碎尚



有烟燄以水澆之即息柱側有三鼠震死是時灌園  
王叟家草屋土垣上亦破一穴大如孟垣內紙~~焚~~去  
他物無傷損

戊申鄉試八月十二日進二場夢一卒持刺來視之  
字徑半寸許曰年愚弟章世純是時余年二十六銳  
於進取或曰刺字稱年今科必獲中式矣榜發被黜  
越十有四年辛酉科始獲鄉舉余年已三十九始悟  
章柳州亦辛酉舉人夢之奇驗無過於此<sub>謠言</sub>狀柳州終  
不成進士以縣令終余仕進之心亦從此~~瘳~~矣



阮中丞撫浙時有一術士說人生平事無不中人稱  
其神自藩臬道府以下俱延之乃為余推算終日不  
能置一辭拱手曰君生命奇奧前生非仙即魔非吾  
術所能盡也此庚申年事乃推歸安邵君葆初稱其  
清貴而不永年數年後邵舉浙江省第二名明年會  
試病歿於淮上

庚午四月初七日夜雷雹並至三里菴以南最盛槐  
子橋雹大如雞子傷麥傷新秧一朱姓者早起見其  
田中禾麥盡損憤而自縊其村後一家亦有因雹自



田中禾麥盡損憤而自縊其村後一家亦有因雷自  
殺者朱姓小名穩子住卞家嘴

升秀班伶人在一村演戲夜歇廟中有大盜掠村外  
一富戶村人莫敢救諸伶聞知湧出與盜鬪盜潰逸  
去已而有招諸伶演戲者諸伶往其地在水中達必  
以身殊僻則向之羣盜藪也合班數十人俱遇害惟  
一旦名智官者赴水逃出此乾隆三十四年事明年  
智官在湖中親語人余時八歲側聞之今相隔四十  
許年偶觀劇村叟述此事與余向所聞合  
丁巳館于湯莊籬外池中洋蓮花其瓣萬千相抱力



不能自舒每晨起課僮代舒之因誦王右丞西子詩  
所云要人傅香粉不自著羅衣目之為西子蓮越十  
三年矣階下鳳仙頂上作苞往往不能自放致菸萎  
盖眾葉攢簇力不能自舒也

松陵集有背蓬詩以為漁具余湖中有之乃不用於  
漁而用於農余向亦有詩

長

庚午七月十二日雷震楊獸醫壩一家三婦死其長  
婦利口善詈其翁姑雷自口出舌唇齒頰盡焚又聞  
是日邵伯鎮郭姓浴堂雷震其後牆有麻雀數百或



是日邵伯鎮郭姓浴室雷震其後牆有麻雀數百或

死者或活者

廟頭賈氏齋閣前一老柏百餘年物也屋已圯而柏  
存柏上一孔內有鳩巢賈姓小兒梯上探鳩卵手入  
不能出強拔之如刀刺痛徹心肺視之其孔實大倍  
於腕無阻碍于是同行眾童子跪乞之不可鄰里親  
戚焚香乞之不可最後其父踉蹌來蒲伏泥首默禱  
兒手忽脫出無他苦其父曰數日前吾將賣此樹作  
浴室梁實未語人樹神有知苦吾兒以示我也謝不  
敢賣兒手乃得出耳眾乃知此樹之有神也嘉慶辛



未年事

館

楚人張無波者德安人辛未客揚州自稱向年教匪  
橫發時伊曾為鄉勇守城因說軼事數件頗資笑談  
一鄉人為教匪所得時已四月匪尚披裘因以裘與  
鄉人易夾衣而釋之鄉人以夾衣易狐裘大得利歸  
而誇耀於人其鄰人羨之明日亦取夾衣數襲往獻  
匪聚山上寨門閉叩之稱獻衣者匪大怒執而殺之  
一教匪乘大白騾負一囊囊中有金入一村村人皆  
遁竄止一人在被執令煮茶村人以茶獻且延入坐

囊獻



匪入屋飲茶村人曰騾亦渴矣宜飲以水牽於前溪  
中飲之可乎匪領之村人牽至村口溪邊忽躍身上  
鞭之急驅去匪追之溪路盤紆匪不能及騾及囊金  
皆失有二匪驅一人有一人卧於地見匪至以石子  
向匪面擲之中口鼻破流血大駭退去一匪得一婦  
人將姦之婦仰臥以小刀貫其腹而死一匪入一村  
家令具酒飯村人以酒獻暗置毒酒中少頃匪死一  
村塾學究聞匪至端坐以待匪執問何如人學究曰  
讀書教學者也匪曰爾讀書教學寒士也不殺汝學

通竄止一人在被執令煮茶村人以茶獻且延入坐



# 鐵

究正色以大義責之匪怒以矛搗一日夜乃死嗚呼  
此學究者可謂枉死矣

史大郎者邵埭鄉間人年十三遇道人授以古篆文  
能識矣乃授以書書上皆古篆也大郎乃於堂前用  
几案木板架一臺又收零星鐵於鐵工處造二器每  
重十八斤如椎而有四銳牙牙上貫以環名曰娑羅  
楔每夜登臺上習此器三月初一日夜半道士至切  
責曰吾戒汝勿向人言何洩我語今不能傳汝道當  
俟六月初一日也遂去時大郎母適聞之明日宣告



回

諸族人族人搜得鐵器毀之尋其書不可得錮大郎  
時時防閑之陳兆山館其地去史不遠述以語余言  
邵伯有其所書篆文多作圓圈如螺文此壬申年事  
癸酉二月朔嘗語阮芸臺漕帥於秦太史座上或曰  
此篆文乃回回書

邵伯鄉間有卞孝子者貧居母子相依母歿已葬矣  
每夕必往臥墓所適大雪以身伏冢上邵伯巡司弓  
手巡夜認為盜擒之巡司訊問不荅答之亦不荅此  
辛未冬十二月事也壬申春有請此仙者仙稱卞孝



子云云乃踪跡得之值三月二十八日賽東岳神會  
乃以轎迎孝子鼓吹導之隨神後徧遊於市鎮中紳  
士追隨轎後事雖近於戲而足為鄉里風焉

學師李公寶山人乾隆壬寅來任府學教授至嘉慶  
辛未陞國子監博士去學中人作一扁送之曰以道  
得民壬申八月昇至學署其時教授易公送攷試在  
秦州易公之壻不許懸於堂因改上於明倫堂東間  
後簷梁上明代進士題名扁之下牆上有明代舊石  
碑昇者借碑置梯碑忽中斷梯上之人與扁並蹶上



一人頭破下二人足折外甥高向之親見之學書錢  
叙曰歲許不敢有人再來上若有鬼焉

癸酉正月宿相墩邵伯鎮人云徐侍御寅亮之兄行  
四於嘉慶十六年請箕仙皇甫真人問水蓋淮水每  
年漲溢邵埭適當其衝也仙判云七月欠一水過屋  
脊桂子飄香謹防地突于是徐氏大懼兄弟分析半  
移居於浙之嘉興半移居大橋邵埭大宅封鍵是年  
七月二十九日其屋被焚救火者用水礮擊之水高  
於屋說者謂七月欠一水過屋脊至此驗矣八月十



四日其子姪赴院試有入學者或以為第三句之驗  
是冬侍御歿於浙說者曰此地哭之驗也地者弟也  
壬申冬余在城聞蘇州客載銀於車至南門外車上  
銀失去一千三百兩鳴於江都縣潘公潘遣蒯手胡  
愷於馬王廟卜之渡江到江寧投一捕人安姓者安  
年三十許問其來胡告之故安禮胡甚恭稱之曰五  
叔胡愕不敢當安曰吾父嘗稱揚州胡五叔為人有  
俠氣久欲識叔今幸至勿訝也蓋胡素輕財好結納  
凡他處捕至揚必厚贈豐以酒食安之父蓋嘗受其



厚遺胡實不憶也乃殺雞庖牛置酒款胡曰姑飲叔  
之事吾為踪跡之少選壯士四五輩至安前問何事  
安以目熟視留二人耳語良久去乃與胡歡飲胡不  
測且飲且疑飲未已二人踉蹌至又耳語良久退去  
安謂胡曰叔之事已有踪跡矣叔急歸換大批來揚  
州南門有枷犯某某乎胡曰有之曰歸問此人當得  
其名姓更來捕也胡如言問枷犯枷犯曰果有之是  
日伊四人得手後曾以數百錢與我因告以姓名建  
平人也胡復渡江語安安曰非小盜當慎致之以數



人翼胡去得其三其一人在蘇州矣胡素善拳擊聞其黨衆胡使安之人立門外大聲呼曰如止三五十人不煩諸公也獨身入黨竟不敢動擒致建平縣訊之曰是日得銀遇甘泉縣捕人楊又宋四者分以五百金餘八百金四人分之今僅存一百矣胡以三人歸並致楊宋二捕人付之獄

余幼年作詠史事詩多不記止記骨醉一首冤矣王皇后香魂繞榼銷劍飛寧當麩葬地已為陶恠固同人羸心惟願作貓君王春夢裏應帶醉來朝



門人金嘉芬之妹於癸亥二月胸間有氣上撞寒熱  
不食余令服當歸巴戟天有微汗漸能食而胸中時  
時痛忽嘔一物如蜈蚣能行而兩目未開

郁李一種單瓣白色與李花絕似此郁李所以名也  
開傍石邊清韻絕倫

癸酉秋集市後圃人種瓜一番瓜籐扁闊六七寸長  
丈許近根處生鬚鬚上生二小瓜如眼其形蟠曲如  
龍遂相傳為番瓜龍日來看者多人圃人大懼急斬  
去之遠處相傳或附會其說非也書其實於此此七



月初間事

館

從曾祖衡水公宅在市中公生四子叔出嗣已絕季  
居右屋已久售他姓惟伯仲兩房尚居舊宅伯之曾  
孫藍田居左仲之曾孫伊蒲春元居右後有樓亦久  
拆毀惟存一堂屋一廳屋一門樓伊蒲春元共曾祖  
兄弟也春元居廳屋伊蒲居堂屋春元貧甚將售屋  
而伊蒲僅溫飽力不能買唯藍田力可得而不敢余  
壬申春力任其事為之說合賣與藍田蓋自門樓以  
後乃衡水公之正宅也其廳屋有公之 封誥匣及



諸扁額一旦售之他姓非所宜此慙慙藍田之本意也乃小人播弄曲折甚多余實不避謗毀不恤勞力為春元籌畫安居得貿易於市又為依蒲典質族人德致之屋春元既可餬口並德致之屋亦仍吾族居之書其大略以明此舉之用意如此

孫矮姚氏奴也嘗來湖中為姚氏收稻租姚為曹縣令嘉慶十八年八月賊匪殺之及其家口數十人孫矮已竄出念牀頭有金不忍舍復入取之亦見殺

甲戌正月晦日登閭公墓公名士選明萬曆庚辰進

閭







浙江圖書館





浙江圖書館





浙江圖書館





浙江圖書館





浙江圖書館





TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black

Centimetres

Inches

浙江圖書館





浙江圖書館

